

KABARET SIMPOSIUM

DEPARTEMENT DRAMA UNIVERSITEIT VAN STELLENBOSCH

25 EN 26 FEBRUARIE 1994

Huldiging aan HENNIE AUCAMP
se bydrae tot die Afrikaanse Kabaret

Vrydag, 25 Februarie

- 09:00 Registrasie
09:30 Verwelkoming: H Pretorius
09:45 Kabaret as literêre uiting:
prof H Snyman
10:30 Paneelbespreking: H Aucamp,
H Snyman, H Pretorius,
S Bouwer
11:15 Die kabarettteks as New
Journalism: C de Villiers
12:00 H Aucamp: die Europese
konneksie: S Bouwer
14:30 Die soldaat as metafoor in
twee van Aucamp se kabaret-
tekste: A Swart
15:45 Toonsetting van die kabaret-
liriek: Werkwinkel onder
leiding van C de Villiers.
(U word genooi om oorspronklike
lirieke saam te bring)

Saterdag, 26 Februarie

- 10:30 Die sewe doodsondes in
kabaret-verband:
prof H Aucamp
13:30 Eklektisisme: samestel-
ling van die kabaret-
program: Werkwinkel
onder leiding van
S Bouwer
15:00 Kabaretregie: Werk-
winkel onder leiding van
Mark Graham

Volle registrasiefooi: R25-00
Studente: R5-00

Plek: H B Thom-teater

Belangstellendes kan skakel met Sarina Knoetze of Margit Rödenbeck by:
021 8083216/7 vir nadere inligting.

V. l. n. r. Mark Graham (regisseur), Hennie Aucamp
en Coenie de Villiers ↓ 147. KAB. A. 11 (6/1)



Foto's geneem deur Marina Breytenbach(?) van Matieland
die aand van 25 Febr. 1994 tydens die opvoering van
Wie gaan kry 'n handvol, in keur nit my Kabaretnetwerk, in

die HB Thom,
opgevoer
deur studente
van die Dept.
Drama



↑

V. l. n. r. Dries Smit, Louis Reynevan, Hennie Aucamp

Die Maties se rugbytoer na Brittanje einde verlede jaar was 'n groot sukses. Hulle het goeie oorwinnings behaal in al vier hul wedstryde - en selfs 'n behoorlike wegholorwinning van 71-14 teen Loughborough-universiteit, voorverlede jaar se Britse universiteitskampioen.

'n Vyfde wedstryd wat vir die toer beplan was, teen Welsh Academicals in Llandoverly, moes afgelas word vanweë uiters slegte weer - en 'n veld wat heeltemal onder die water was.

Die toer was 'n gulde geleentheid om eerstehands kennis te maak en deel te hê aan speltoestande in die buiteland en om die krag van klubspanne daar en die reëltoepassing deur hul skeidsregters te ervaar, sê mnr Belius Potgieter, direkteur van die Sportburo, wat ook die toerbestuurder was.

Die toerspan het uit 26 spelers bestaan, met Johan Burger (flank) as kaptein en Louis Blom (slot) die onderkaptein. Dr Gerrit Pool was die afrigter. Prof Herman van Niekerk (spanbestuurder) en dr Francois Malan (spandokter) was ook saam.

"Spelers en bestuurslede het baie op die toer geleer. Dit sal besliste voordele vir die klub en sy spelers hê om minstens elke 3-4 jaar 'n span oorsee te stuur," sê mnr Potgieter. Hy meen die waarde van die afgelope toer gaan vanjaar duidelik op die speelveld blyk,

Segetoer vir rugbyspan in Brittanje



Die Maties oefen in die koue Britse winterweer. Hulle het vinnig by dié weertoestande - en by dié speelpatroon daar - aangepas.

ondanks die feit dat die klub na die toer van die spelers wat saam was, verloor het.

Topafrigter

Dr Pool het sy status as topafrigter gewis gestand gedoen, sê mnr Potgieter. "Die voorbereiding vir die toer was onder moeilike omstandighede. Vanweë die eksamens was daar min tyd om die span as geheel in Suid-Afrika voor te berei.

"Danksy dr Pool se leiding en sy kennis van Europese toestande kon die span besonder vinnig by die weertoestande en speelpatroon daar aanpas. Dr Pool is 'n rugbydenker by uitnemendheid en sy vermoë om

sy rugbykennis oor te dra, maak van hom 'n uitstekende afrigter," sê mnr Potgieter.

Voor hul eerste wedstryd - teen die Moseleyklub - het die Maties twee maande lank geen rugby gespeel nie. Hoewel dit met die wedstryd gereën het en die veld baie nat was, het die Maties met 15-6 gewen - 'n prestasie want dié sterk klub het op hul toer deur Suid-Afrika verlede jaar onder meer vir Villagers geklop. Die Maties het boonop baie probleme met reëlver-

tolking gehad - soos die Springbokke ook verlede jaar ervaar het.

Na die tweede wedstryd - teen Loughborough-universiteit - was die Maties se derde wedstryd teen Destination Disney, 'n sterbelaaide internasionale vyftiental wat onder meer Engelse, Skotse en Australiese internasionale spelers ingesluit het. Boonop was die speeltoestande haglik, met afwisselende reën en 'n stormsterk wind van meer as 100 kilometer per uur. Die Maties het 15-3 gewen.

Die vierde wedstryd was teen die Belvedere-klub in Dublin waar daar - ondanks 'n nat veld en 'n sterk wind - oop rugby gespeel is. Die Maties het van die eerste fase af aanvalle geloods, nege keer gedruk (waarvan vier drieë verdoel is) en met 53-29 gewen.

Frankryk

Na die toer van meer as twee weke deur Brittanje het die span vier dae in Frankryk deurgebring. Enkele spelers het op hul eie langer in Europa agtergebly.

Mnr Potgieter praat met baie lof van die spelers se gedrag op die toer. "Hul toewyding aan die spel is 'n groot bate vir die Universiteit. Onder alle omstandighede was hulle ware ambassadeurs vir rugby, die Universiteit en Suid-Afrika."

Slypskool oor kabaret



Die Dramadepartement het 'n weeklange simposium en 'n slypskool aangebied om prof Hennie Aucamp, bekroonde Afrikaanse skrywer wat einde verlede jaar as US-dosent afgetreë het, se bydrae tot die Afrikaanse kabaret te huldig. Referate, paneelbesprekings en werkwinkels oor die praktiese kabaret is aangebied. 'n Kabaretprogram, 'n bandvol, uit die werk van Hennie Aucamp, is onder Mark Graham se spelleiding opgevoer. By die kabaret was, van links, sanger Coenie de Villiers, prof Aucamp, mnr Herman Pretorius, hoof van die Departement Drama, en Mark Graham.

VILLA JONDÉ

STELLENBOSCH

Bed en Ontbyt

GASTEHUIS * GUESTHOUSE

Bied ruim en-suïte verblyf stapafstand van middeoord en Universiteit.

Veilige parkering op terrein. Mooi tuin met braaigeriewe.

Gesinne welkom.

Geniet die gasvryheid en persoonlike aandag van elenaars,

Jobnny en Desiré Pitzer.

Noordval-Wes 27, Stellenbosch, 7600 tel: 021-8833568